



Die Ezele vnt Chriemhilt
 nach ir freunden sanden.

XXIII. Auentiure.



In also hohen eren. daz ist alwar.
 si wonten bi dem kunige. vnz indaz sibende iar.
 di zit diu kuniginne. eines sones was genesen.
 des chunde der chunic Ezele. nimmer vrolicher gewesn.

Sine wolde niht erwinden. sine wrbe sint.
daz getovset wrde. daz Ezelen chint.
nach christenlichem rehte. Ortliup wart ez genant.
si wolden; han zeherrren. ober elliv Ezelen lant.

Swas ie gvoter tugende. an frown Helchen lac.
des vleys sich frow Chriemhilt. dar nach vil manigen tac.
die site si lerte Herrat. div ellende mit.
div hete tovgenliche. nach ir frowen groziv leit.

Die fremden vnt die chunden. die iahen da zehant.
daz nie milter frowe. besäze ein kuniges lant.
noch deheiniv tivrer lebte. des iach man ir for war.
si erwarp ir lop vil grozen. zen Hunin indaz zwelfte iar.

Si hete nu wol erchvnnen. daz ir niemen widerstont.
als iz noch fursten wibe. kuniges rechen tvont.
vnt daz si alle cite. zwelf kunige vor ir sach.
do gedahtes maniger leide. der ir da heime geschach.

Sie gedaht ovch maniger eren. von Nibelunge lant.
der si da was gewaltech. vnt die ir Hagenen hant.
mit Sivrides tode. hete gar benomen.
si gedaht ob im daz immer. noch zeleide möhte chomen.

Si wnschte daz ir mooter. wäre in Hunin lant.
ir trovnte daz ir Giselher. gienge an der hant.
bi Ezele dem chunige. si chvsten zaller stvont.
vil diche in senstem slafe. sit wart in arebeiten chvnt.

Sine chvnde ovch nie vergezen. swie wol ir anders was.
ir stächen hereen leide. in ir herren si ez las.
mit iamer zallen stvonden. daz man sit wol bevant.
do begvnde ir aber salwen. von heizen trahen ir gewant.

Ez lac ir an dem hercen. spat unt frow.
wie man si ane schulde. brahte der zwo.
daz si wuofe minnen. einen heiden man.
daz het ir frivnt Hagene. vnt ovch Gunther getan.

Daz si daz rechen möhte. des wnschtes alle tage.
ich bin nu wol so riche. swem iz ovch misselage.
daz ich wol minen vinden. mac gefvegen leit.
des wär et ich von Tronege. Hagene gerne bereit.

Nach den getriwen iamert. dichez herce min.
die mir da leide taten. möht ich bi den gesin.
so wrde noch errochen. mines mannes lip.
des ich vil chyme erbite. sprach daz iamerhafte wip.

Ze liebe si do heten. alle skuniges man.
die Chriemhilde rechen. daz was wol getan.
der kamern der pflac Ekkewart. da von er frivnt gewan.
den Chriemhilde willen. mohte niemen verstan.

Si gedahte zallen citen. si wolden kunic biten.
daz er ir des gunde. mit gwellichen siten.
daz man ir frivnde brähte. inder Hunin lant.
den argen willen niemen. an frown Chriemhilt ervant.

Do si eines nahtes. bi dem kunige lac.
mit armen umbevungen. als er vil dicke pflac.
die edelen frowen trveten. si was im so der lip.
do gedahte an ir vinde. daz vil herliche wip.

Si sprach zw dem kunige. vil lieber herre min.
ich wolde ivch biten gerne. möht ez mit fvooge sin.
daz ir mich sehn liezet. wie ich hete daz versolt.
ob ir minen frivnden. wäret innechlichen holt.

Do sprach der kunich riche, getriwe was sin mvot.
ich bringe ioch des wol innen, swa lieb vnt gvot.
den helden widerfvere, des mvof ich frevde han.
wande ich von wibes minne, bezzer frivnde nie gewan.

Do sprach die kuniginne, io ist daz wol geseit.
ich han vil hoher mage, darvmb ist mir so leit.
daz mich die so selten, rochent hie gesehn.
ich hore min die lote, niwan for ellende iehn.

Do sprach der kunic Ezele, vil liebiv frowe min.
dohtez si niht zeverre, so ladet ich vber Rin.
swelch ir da gerne sah, her inminio lant.
die rede ir wol behagete, da si den willen sin ervant.

Si sprach welt ir mir triwe, leiften herre min.
so solt ir boten senden, von vns vber Rin.
sone biote ich minen magen, des ich da habe mvot.
so chvmt vns her zelande, vil manic edel ritter gvot.

Er sprach swenne ir gebietet, so lazet ez geschehn.
irn dorftet iwer frivnde, nie so gerne sehn.
als ich hie gefähe, der edeln Voten chint.
mich mvot daz harte fere, daz si vns so lange fremde sint.

Er sprach ob du ez ratest, vil liebiv frowe min.
di mine videlere, nach den frivnden din.
wil ich zeboten senden, in Burgonden lant.
die Ezen videläre, hiez man bringe sa zehant.

Die knappen chomen beide, da ir herre saz.
bi der kuniginne, der kunic in sagte daz.
si solden boten werden, insiner frivnde lant.
do hiez man in bereiten, harte schiere gvot gewant.

Vnt ir vart gesellen. vier unt zweizech man.
di mit in varn solden. zen Burgonden dan.
in tet der chonich Ezele. chont den willen sin.
wie si laden solden. Gonthern mit den frivnden sin.

Do sprach der kunich riche. ich chondiv minen woot.
ich enbiot minen frivnden. lieb vnt alles goot.
daz si geruchen riten. her imminiv lant.
ich han so lieber geste. harte selten noch bechant.

Vnt ob si mines willen. wellen iht began.
die mine chonemage. daz si des niht lan.
sine chomen mir zeliube. zwo miner hochgecit.
wande vil der minen wune. an miner frowen magen lit.

Do sprach der knappen einer. der hiez Swämmelin.
benennet vns die hochgecit. wenne sol div sin.
daz miner frowen frivnde. dar zwo mogen chomen.
des wart der kuniginne. ir leides harte vil benomen.

Do sprach der konic here. die minen hochgecit.
solt ir ze Kine chunden. daz ir gewis des sit.
ze nächten sonewenden. so wil ich si han.
die vns mit triwen minnen. daz si die reise niht enlan.

Wir twon swaz ir gebietet. sprach do Wärbelin.
inir kemenaten. bat si div kunigin.
bringen tovgenlichen. da si die boten sprach.
da von sit manigem degene. harte leide geschach.

Si sprach zen boten beiden. ir dienet michel goot.
ob ir minen willen. tovgenlichen twot.
so sagt swaz ich enbiote. heim inonser lant.
ich mache ioch gotes riche. vnt gibe io herlich gewant.

Swaz ir der minen frivnde, immer muget geschn.
ze Wormze bi dem Kine, den solt ir niht veriehn.
daz ir noch ie gefähet, betvebet minen mvot,
vnt saget minen dieneft, den heleden chven, vnt goot.

Gitet daz si leiften, daz in der kunic enbot,
vnt mich da mite scheiden, von aller miner not,
die Hynen mugen wänen, deich ane frivnde si,
ob ich ein ritter hieze, ich wär in etefwenne bi.


Ir saget ovch Gernote, dem lieben brooder min,
daz im zer werlde niemen, holder mvege sin,
vnt bitte in daz er fuere, mit im indizze lant,
die vnser besten frivnde, deiz vns zen eren si gewant.

Vnt sagt ovch Gifelhere, er denche wol daran,
daz er von minen schulden, nie leides niht gewan,
des sehen in vil gerne, hie div ovgen min,
daz wolde ich immer mere, hinz im diende sin.

Uv sagt ovch miner mvoter, die ere die ich han,
vnt ob von Tronege Hagene, welle dort bestan,
wer si danne solde, wiften durch div lant,
dem sint die wege von kinde, her zen Hynin wol bekant.

Die boten niene wessen, wa von daz was getan,
daz Hagene der chvene, solde niht bestan,
hinder in Kine, daz wart in fider leit,
mit im was manigem degene, zem grimmen tode widerseit.

Gotefchaft vnt brieve, daz was nu gegeben,
si foren gootes riche, vnt mohten schone lebn,
vrlovp gab in Ezele, vnt ovch des kuniges wip,
in was mit richer wäte, vil wol gezieret der lip.

A decorative border in a Gothic style, featuring a double-line frame with intricate knotwork and floral motifs at the corners and midpoints.

Do der kunic Ezele. von im gefande.
sine boten zu dem Kine. von manigem lande.
braht er vil der rechen. zu finer hochgecit.
der deheiner nimmer mere. chom zu sine lande sit.

